

長樂詩集

(下)

华东师范大学出版社

长 乐 诗 汇

下

华东师范大学出版社

图书在版编目(CIP)数据

长乐诗汇/古从新主编. —上海:华东师范大学出版社, 2013. 6

ISBN 978-7-5675-0935-1

I. ①长… II. ①古… III. ①古典诗歌—诗集—中国
IV. ①I222.72

中国版本图书馆CIP数据核字(2013)第140881号

长乐诗汇(全三册)

主 编 古从新

项目编辑 庞 坚

装帧设计 胡华新

出版发行 华东师范大学出版社

社 址 上海市中山北路3663号 邮编 200062

网 址 www.ecnupress.com.cn

电 话 021-60821666 行政传真 021-62572105

客服电话 021-62865537

门市(邮购)电话 021-62869887

地 址 上海市中山北路3663号华东师范大学校内先锋路口

网 店 <http://ecnup.taobao.com/>

印 刷 者 杭州富阳永昌印刷有限公司

开 本 890×1240 32开

印 张 50

字 数 1200千字

版 次 2013年6月第1版

印 次 2013年6月第1次

书 号 ISBN 978-7-5675-0935-1/I·1005

定 价 380.00元(全三册)

出 版 人 朱杰人

(如发现本版图书有印订质量问题,请寄回本社市场部调换或电话021-62865537联系)

李溢洲

(1902—1969)，号清桂，讳耀南。安流镇福陂村人。终生为教，殫力培育英才。平生诗作甚丰，惜多散失。

日新学校竹枝词九首

日新启校近家乡，溷迹堂中亦就将。门柳青青桐又绿，
风来潇洒似笙簧。

一房才过一房生，斗阁回廊屈曲行。出入诸友灯射照，
满堂济济读书声。

旗山对映似操戈，门外通衢客自过。四面园中花木茂，
中庭额署致中和。

雅景宜人得胜多，前朝狮面众山罗。漫言别墅荒凉久，
自远方来砚共磨。

左边隙地辟禾场，溪水潺潺听益扬。风月助人谁作伴，
课馀朋酒乐无央。

此间真是可修藏，夜静书声味更长。若要烹茶或煮酒，
就中也建小厨房。

独坐房中自引觞，鸡鸣听罢兴添长。无何犬吠相闻起，
惊动骚人怪盗扬。

无穷事业出学堂，继晷焚膏莫怠荒。他日定能排国耻，
安南挫北绍前光。

胜景由来说不清，强搜俚句写分明。鄙人领略其间味，
聊借中书志喜情。

原韵步和复善侯宗兄二首

谦逊如君有若无，琳琅满目觉生徒。守株待兔非名士，
上席奇珍识雅儒。去岁同堂叨砥砺，今朝别榻慕璠瑜。
阳春一曲高难和，愿效邯郸步范模。
南窗远隔意流连，腹友功勤任道肩。张陆忘年情不懈，
陈雷投契乐无边。记前学舍谈心切，此日云山抗手延。
握别芝颜思未见，好将旧雨覆鳞笺。

复曾驾南砚兄二首

同气同声遽尔疏，枝头好鸟对何如。更深月落怜难寐，
灯闪窗虚叹索居。锦绣忽来辉艳丽，阳春寡和费踟躇。
连城白璧洵无玷，掷地金声入太虚。
并驾南丰冠鹿洲，鸿才先数我同流。青莲座上焚膏读，
紫气庭前继晷修。俊逸参军非独步，清新开府与同优。
两京风月开函见，得意珍藏作宝留。

赠深根侄三首

同堂聚首渐分离，遥隔关山路转岐。落月增怀思叔度，
停云怅望想丰仪。晏婴久敬心相慕，鲁肃知交会几时。
日念夜深因结梦，回音不见费迟疑。
同堂把臂叙寒暄，廉蔺知交夜共眠。今日与君悬两地，
徒劳瞻望写诗篇。
与君同志又同心，今岁同窗喜得箴。一旦分襟山水隔，
丰仪想望感难禁。

复深根三首

维新世界竞争先，赤面书生避俗牵。有志事成儒本分，
我来愿望写诗篇。

三生有幸信其然，每忆丰姿我独眠。昔日连床同下榻，
瑶章雁送小窗前。

骚人太白酒中仙，我读君诗妙绪诠。契若陈雷心置腹，
情同管鲍性由天。记前学舍论交切，此日云山问字捐。
握别芝颜怀倦倦，和吟佳句乐无边。

辛酉复来尚誉学校读书友人济济有感

重到斯堂印雪鸿，不图兰室尽知衷。三生契合因缘在，
两载观摩道义中。论到课程功似苦，闲吟诗句乐无穷。
寸心素抱凌云志，破壁高飞冠世雄。

东风解冻三首

去腊严寒雪满天，阳春备届冻消然。东风和熙晴飞燕，
旭日冲融暖睡鸢。远望草茵成碧色，近观花信觉红鲜。
莺声齐唱丛林里，永日悠悠乐少年。

冻云飞散碧山巅，原为东风欲暖天。牵兴东篱花带笑，
饱看烟景乐无边。

寒去春回节序迁，向荣花木上林鲜。青青秀色窗前照，
郊外行人乐性天。

春 寒限春字 二首

杖藜无事向江滨，青草凝霜尚恨春。岭上花因含未发，

亭边柳絮结难伸。轻风剪剪莺声涩，细雨霏霏燕语亲。
日望东皇更暖早，艳阳莫作寂寥辰。
莫道东风万象新，寒凝百卉不知春。花枝岭上犹含蕊，
细雨霏霏草木茵。

春 晴三首

天际云收雨乍晴，农人晓起野欣耕。桃花掩映呈娇媚，
柳絮缤纷竞向荣。深巷影横沽酒旆，小楼风送卖花声。
蹉跎莫肯韶光老，倒尽金樽乐锦城。原有句“渡日穿山
尽日行”。

初晴雅景最宜人，山谷莺声怆我神。玩赏花枝颜带笑，
同人欣羨物华新。

春风忽忽雨初晴，晓起农人带月耕。近睹东篱花尚颂，
遥看南亩卉丛生。金莺织柳歌喉暖，蝴蝶寻芳粉翅轻。
满眼韶华成胜景，游人持酒破愁城。

踏 青五首

乘兴偕游举目新，大家艳说踏青辰。门前新柳垂金线，
篱下残花落锦茵。夹路啼莺何睨睨，临臯立马尚精神。
江滨楔饮归来晚，不负东皇一段春。

同人志气岂寻常，话到踏青喜欲狂。却向兰阶排阵出，
画桥胜选笑东皇。

举目郊原百卉新，风流身作自由人。纷纷士女贻兰勺，
不负东皇一段春。

信步江滨共赏春，流觞莫负艳阳辰。兰亭楔饮羲之醉，往事追陪又一新。

话到踏青兴不支，携樽修楔水之湄。怡情适性多佳景，领取风光入酒卮。

游 春得游字 四首

春来佳景任遨游，信步东皋兴不休。扑蝶林间花竞笑，观鱼濠上水奔流。途迷牧子为人导，侣寡樵夫是我俦。夙昔许多怀抱事，一经玩赏乐无忧。

登高俯瞰大江流，满地阳春任我游。柳引诗人吟紫陌，花迷醉客立芳洲。莺随玉笛声偏巧，马受金羁气未柔。借问路旁名利客，何如此处足消忧。

晓露无尘夜雨收，风光助我作春游。临流小艇歌桃叶，翠袖传杯兴不休。

乘闲览胜喜悠悠，不惮羊肠鸟道游。路上百花休笑我，阳春佳景足消忧。

春 柳

乘闲览胜曲江滨，宿雨初晴柳色新。艳映东篱花带笑，笑依折柳送行人。

送 春限春字二首

三月残花物换新，顷闻青帝别游人。流莺有恨空啼树，野水无言莫问津。好景东篱留不住，愁怀南浦结难伸。劝君此去休惆怅，和乐门庭又是春。

惜花都为梦魂频，归去何时始得亲。醉饮小桥风折柳，
赠行郊外我怜春。

前 题二首

青帝辞权故换新，漫言长作艳阳辰。东篱花谢莺无语，
杜宇声催送却春。

蜂蝶纷纷恨晚春，斜阳欲暮正愁人。轻风剪剪梨花落，
细雨霏霏柳色颦。祖酒送行伤浦口，题诗赠别怅江滨。
临行再订来年约，庾岭梅开历又新。

五月榴花照眼明限花字三首

蒲觞节过苑无花，惟有榴花映日华。密集纷纷辉似锦，
圆英簇簇彩如霞。丛中饮罢香犹滞，树下题成火半遮。
玩赏韩公明照眼，动人春色客思家。

熏风拂拂动榴花，喷火鲜明实可嘉。满眼风光成胜景，
园林游赏乐无涯。

刚逢五月发榴荣，照树熏蒸豁眼明。喷火光华饶有趣，
点睛绚烂最关情。繁枝竞秀花裙幅，密叶丛生干直横。
旅舍近观成胜景，昌黎题赏快诗评。

长夏江村事事幽限幽字

乘凉避暑兴来游，吟到江村百不忧。奚止杜公称好景，
骚人珥笔写清幽。

前 题

熏风拂拂足消忧，选胜江村任我游。倾听黄鹂鸣上下，

夏长犹幸气清幽。

抵光华学校

家学渊源远，君书继世香。诗词追李杜，舌笔胜苏张。
羨尔光华地，惭予黑暗乡。登堂欣一笑，为我示周行。

春游杂感二首

上堂课毕盼庭柯，鸟唱嚶嚶柳外过。散步郊原游兴惬，
风光助我动吟哦。
闲游林壑各题诗，领取风光到处宜。淑景一时看不尽，
相期来日莫迟迟。

谢人过访

賁临敝校萃生辉，示我方针是与非。多感高轩徒惠顾，
愧无好句赠君归。

五月鸣蜩二首

暑假将归喜不支，蜩鸣听到又迟迟。高吟未得同声和，
摇曳馀音过别枝。
壑外徘徊意倍痴，心中倚徙有何之。忽闻嚶嚶蝉鸣树，
触我高吟欲和诗。

重与细论文

太息相离计有年，蹉跎岁月谊缠绵。何时再把樽中酒，
重与论文醉讲筵。

庚申至种德学校见鸠在笼中而啼故感赋一绝

意欲高飞出外看，不期被罩有谁观。他时若展腾云羽，直上扶摇百尺竿。

谢种德友人依韵步和

新诗捧读两相看，李杜文章属大观。有此才华堪用世，何须终隐钓鱼竿。

庚申秋感二首

东窗睡起意迟迟，户外山光怪异时。红叶乍惊秋信到，苍葭惟有客心知。耳闻蝉响鸣孤冷，目断鸿飞感别离。玉露金风无限爽，光阴虚掷愧无诗。
荏苒光阴又届秋，碧空如洗气清幽。粤军正正应无敌，英督汹汹尚未休。太息中原伤板荡，未知何日补金瓯。刘邦才辈乘时出，一扫腥膻树远猷。

中秋赏月二首

书斋独坐满庭香，却怪今宵偏地光。仰视天空弥皎洁，比来月色异寻常。金轮旋转如水镜，兔魄幽圆似艳妆。仙桂高标谁可折，快邀诸友赏华堂。
良朋携酒上华堂，对影成三引兴长。豪士开怀绕垒块，词人相望动诗肠。今宵皎洁空如洗，似尔婵娟得未尝。好是清辉浑不夜，流连歌咏乐无央。

秋色老梧桐 限桐字二首

日就月将兴未穷，不图秋老落梧桐。龙门百尺何堪雨，
凤干千年亦怕风。始信光阴驹过隙，无端时序雁横空。
虫鸣声断惊飞叶，乱扑瑶阶满地红。
秋风萧飒老梧桐，落叶空庭满地红。祝我天公长长养，
留来凤宿月明中。

新婚诗

高悬银烛灿天衢，结彩祥光霭紫微。一对鸳鸯舒色锦，
两行琴瑟调声宜。探花直向桃源洞，折桂偏从蟾窟枝。
才子风流称第一，鸡鸣旋听鹿鸣诗。

八月湖水平 限平字二首

湖水澄清一望平，乘舟疑是镜中行。买鱼沽酒过云梦，
羨煞风微浪不惊。
洞庭秋日泛舟行，疑坐冰壶水面平。暗暗祝波休肆虐，
安澜我欲济群生。

月到中秋分外明 限明字二首

四顾山岗透眼明，中秋月色异常情。当头桂子谁能折，
举手冰轮我欲擎。兔魄浮光千里共，蟾娥飞影十分盈。
庾楼未尽樽前兴，好借中书写素情。
四时月色好难评，此夜中秋觉倍清。豪士开怀添饮兴，
词人相望寄幽情。金轮旋转形初满，桂子芬芳影益清。

携酒呼朋同玩赏，醉酣起舞破愁城。

香满一轮中限中字

晶球炯炯出城东，照耀山河胜概中。桂植广寒秋不老，
香凝冰镜味无穷。清奇不比人间木，浓艳偏摇玉宇风。
记得吴刚几砍尽，婆娑今又满蟾宫。

咏鸡冠花限花字二首

非剪非裁吐异葩，鸡冠形肖故名花。风摇欲抖还无力，
雨重将鸣反似哑。应候抽英疑起舞，知时破蕊竞纷华。
花神造夺天工巧，只恨无声醒大家。
昂头应候色飞花，高出园林实可嘉。雨滴风摇形似舞，
数枝红艳净无瑕。

重九登高限高字三首

九日游人气倍豪，东皋随步话登高。穿林万木多奇状，
逾岭层峦不惮劳。工部传杯流轶事，参军落帽等弁髦。
白衣送酒情无极，饮罢归来染兔毫。
重阳志气倍增豪，话到登峰最喜高。寄语路旁名利客，
何如玩赏乐陶陶。
节届重阳不惮劳，同人联步向登高。江山胜景年年在，
诗不题糕兴亦豪。

咏菊限花字

问谁劲节傲霜华，报导园林剩菊花。玉蕊金英无限好，

黄葩紫蒂觉尤佳。侵晨露浥香还滞，傍晚风摇叶半遮。
羞与众芳春作伴，秋高三咏依陶家。

月到中秋分外明 限秋字三首

云收天净碧光流，月朗无私照九州。枫冷寒江红欲醉，
芦低古岸白还浮。庾楼静座欢团体，袁舫逐来得自由。
此夕觉添清气象，兔毫真可察中秋。

露白蒹苍一色秋，光涵大地景清幽。团圞是夜虽无异，
色相今宵便不侔。万里云烟寒古树，一江星斗冷孤舟。
此时满目飞明镜，亦使秋毫直可求。

月圆如镜照中秋，体魄光明色倍浮。桂树蟾宫香带影，
枫飘牛渚水同流。庾殷兴复曾添咏，袁谢闲来更逸游。
今夜莫羞嫦娥约，白头好与结同俦。

寄友五首

腹有诗书气自华，閤中达外不虚夸。维新事业从今造，
依旧功修比昔加。满幅诗笺吟谢草，一枝才笔艳江花。
文章组织成机杼，如许才能属几家。

君家大笔不犹人，奔轶纵横迥出尘。传世文章空色相，
知交道义见精神。论文漫说鸿无范，顾曲须防伪作真。
两地离情谁共照，中秋月色涌金轮。

陈雷夙昔许知心，数载同窗契最深。夜雨连床曾共话，
匡庐抱膝又长吟。人才寥落悲新旧，世局推翻变古今。
圣道茫茫何处是，真传谁与识追寻。

皋比犹复拥青毡，函丈追随尽少年。建学原非拘大小，
成材只后统偏全。抗颜后辈居先觉，尚有今人追昔贤。
让尔江东夸独步，才华陵轹已无前。
衡泌栖迟路曲湾，每怀春树暮云间。交游本自无遐迹，
赠答犹宜任往还。碌碌一生惟我最，茫茫四海叹才难。
柴门久欲开茅塞，乞借神斤俗气删。

新婚诗三首

羨君好古世流芳，品学兼优众口扬。红叶题诗春不老，
赤绳系足福无量。双星乍会欢何极，一曲清歌乐未央。
缕结同心山海固，螽斯麟趾咏佳章。
绣幕牵丝话夙缘，洞房春暖赋佳篇。才郎本是牛郎品，
淑女原来织女仙。沐发膏馥书夜读，画眉墨剩笔花鲜。
蓝田美玉由君种，伫看明珠掌上悬。
关雎窈窕咏河州，才子佳人正好逑。红叶句题金石韵，
紫箫音奏凤凰楼。莺鸣锦帐情无限，蝶醉桃源兴倍悠。
最喜他年麟趾咏，壬林庆洽凤池头。

送吕洞宾六首

仙人大好家居破，点石黄金一掷轻。只惜术曾工击剑，
自宜法令照行军。
无端大会启龙华，接翼拏鳞作爪牙。诂料通明章奏上，
小妖应悔附山家。
度人幻境枕中传，此日如何自蹈愆。岂是工人拙谋己，

只因丹火走魔天。旧剧有吕仙三戏白牡丹事。
亦贪酒盏亦贪花，飘海潜身逊八家。一剑诛仙如祭起，
金莲蹴损牡丹芽。
邯郸梦昔醒余杭，何事京华羨帝乡。一自群仙公愤动，
也应客邸熟黄粱。
小孤曾送君归海，尤物今朝又赠诗。先后丰干饶舌甚，
神仙缥缈谱微词。

醒庵旅燕草别离恨二首

人非木石岂无悲，地角天涯恨别离。为解忧思聊进酒，
只因于邑不成诗。愁肠百结谁堪诉，酸泪双枯枕独知。
倚遍栏杆怜影只，窥帘皓月故迟迟。
聊吐悲哀击筑歌，饥驱惯历恶风波。无边色相愁中得，
有限光阴病里过。久别空嫌千里远，长贫转恨一身多。
飘寒体弱全家念，徒向彼苍唤奈何。

山居回文限山花两字为韵

山映溪流溪映家，蒲村人傍树阴遮。潺潺绿水连天远，
郁郁青峰衬日斜。顽石古泉波绕户，矮轩茅径竹环花。
关门半是常眠昼，间谷空飞烟共霞。

秋闺怨

隔帘玩菊几徘徊，闷对兰陵酒一杯。欲解愁情无可诉，
怀留别怨有谁开。乍闻翡翠音烦恼，才读将军信更哀。
烟锁巫山人不见，思君何日锦衣回。

赠彭益猷九十三中副榜诗三首

鹤发仙姿情蕴含，年高德邵志尤堪。磻溪石上青丝远，幽谷关中紫气覃。绕膝曾孙同在榜，夺旗老将自图南。试诚童子真童子，惟有先生九十三。

诸生从学事何为，要听先生教训规。写字端规莫潦草，背书明白到头尾。班排作揖从容出，答应连还次第归。嘱咐途中莫乱走，逢人不必说闲非。

双亲命尔到我家，诲训谆谆要能闻。德业虽由师教授，工夫还在自家勤。莫将白日等闲过，好把文章着意温。学就倘非廊庙器，居乡也是一名尊。

春闺怨有序十首

驿梅惊别意，堤柳暗愁离。每字一首，先总后拆，限“真、神、人”韵。

驿舍相邻消息真，马鸣车响动关神。四边声感理箏下，幸有和风差解人。

梅花傲雪最情真，木德先开独自神。人影对花眉淡抹，毋将玉骨伴愁人。

惊馀残梦假疑真，苟且飞蓬妾么神。文锦织成情万万，马啼怎不转行人。

别恨牵愁景况真，口盟曾共对明神。力微难挽当冲辙，刀割衷肠苦杀人。

意南意北总无真，立倚栏杆枉费神。日不瞻归归未兆，